

Na osnovu člana 21. stav 3. Zakona o raseljenim licima i povratnicima u Federaciji Bosne i Hercegovine i izbjeglicama iz Bosne i Hercegovine („Službene novine FBiH“, broj: 15/05), a u cilju planiranja, kvalitetne izrade i transparentne provedbe planova pomoći održivog povratka, u 2014. i 2015. godini Federalno ministarstvo raseljenih osoba i izbjeglica objavljuje

JAVNI OGLAS

za podnošenje prijava/zahtjeva/projekata ZA PROGRAM POMOĆI ODRŽIVOG POVRATKA - JESENJE / PROLJETNE SADNJE JAGODIČASTOG VOĆA

1. Predmet javnog oglasa:

Prikupljanje *prijava/zahtjeva/projekata* fizičkih lica – povratnika, radi pružanja pomoći u realizaciji projekata podizanja i povećanja kapaciteta plantažnih zasada jagodičastog voća, **kroz dodjelu sadnica jagodičastog voća (jagoda, malina, borovnica, kupina i aronija)** za jesenju / proljetnu sadnju.

2. Pravo učešća

Prijavu/zahtjev/projekt na Javni oglas mogu podnijeti:

- **fizička lica – povratnici na području Federacije Bosne i Hercegovine i povratnici iz Federacije BiH u Republiku Srpsku i Brčko Distrikt BiH**, koji zadovoljavaju osnovne uslove za implementaciju projekta-adekvatan zemljišni posjed minimalne površine **2000 m²**.

3. Opći kriteriji

Prijava/zahtjev obavezno treba da sadrži:

- **Lični podaci:** Prezime (ime oca) ime podnosioca prijave, općina/opština povratka, godina povratka, puna adresa u mjestu povratka: selo ili MZ, ulica i broj, kontakt telefon (popunjen obrazac prijave ili čitko napisan zahtjev).

- Obavezni dokazi

- kopija LK;
- potvrda/uvjerenje o ostvarenom povratku izdata od nadležnog organa za općinu/opštinu povratka (original ili ovjerena kopija ne starija od 6 mjeseci);
- posjedovni list / ZK izvadak na podnosioca ili člana uže porodice, ili drugi važeći dokument kojim se dokazuje pravo raspolaganja adekvatnim zemljišnim posjedom (original ili ovjerena kopija ne stariji od godinu dana);
- kućna lista povratničkog domaćinstva (original ne stariji od 6 mjeseci).

Kućna lista povratničkog domaćinstva treba da sadrži popis svih članova porodice podnosioca prijave/zahtjeva/projekta koji su se vratili u prijeratno prebivalište, njihova starosnu dob, zanimanje i da li je zaposlen.

- Izjava o spremnosti sufinansiranja projekta kroz pripremu zemljišta i sistema za navodnjavanje zemljišta u zavisnosti od vrste tražene pomoći (dostaviti izjavu ovjerenu od strane općinske službe za ovjeru potpisa ili kod notara).

- **Specifikacija** traženog sadnog materijala po vrstama, sortama i količinama sadnica jagodičastog voća (popunjeno na obrascu prijave ili čitko napisano u formi tabele).

4. Posebni kriteriji

Dokazi iz posebnih kriterija nisu obavezni i koristit će se prilikom utvrđivanja prioriteta u izboru korisnika, a podnose ih povratnici, ukoliko postoje neki od slijedećih osnova:

- povratničke porodice koje su ostvarile povratak iz kolektivnog smještaja (ugovor sa donatorom);
- povratničke porodice kojima je obnovljen stambeni objekt iz budžeta Federacije BiH (ugovor sa donatorom);

- povratničke porodice iz ranjivih kategorija: šehidske porodice, odnosno porodice poginulih boraca; ratni vojni invalidi; porodice nestalih; bivši logoraši; samohrane majke; porodice koje nemaju zaposlenih, odnosno koje nemaju prihoda (svi članovi domaćinstva); povratak deficitarnih kadrova (ovjerena izjava podnosioca ili potvrda izdata od nadležne kantonalne i/ili općinske/opštinske službe u čijoj se evidenciji vodi o statusu).

5. Način izbora korisnika

Izbor projekata i korisnika pomoći po osnovu ovog Javnog oglasa će vršiti komisija koju će imenovati federalni ministar raseljenih osoba i izbjeglica.

Komisija će razmatrati prijave u skladu sa "Procedurama za izbor korisnika za program pomoći održivog povratka – proljetne/jesenje sadnje" koje će donijeti federalni ministar raseljenih osoba i izbjeglica, te u skladu sa odredbama ovog Javnog oglasa.

Nepotpune i neblagovremene prijave neće se uzimati u razmatranje.

6. POSEBNE NAPOMENE

Obrazac prijave i tekst Oglasa će biti dostupni u prostorijama Ministarstva, Terezije 56, Sarajevo, kao i na web stranici Federalnog ministarstva raseljenih osoba i izbjeglica: www.fmroi.gov.ba.

Dostavljanje prijava/zahtjeva/projekta se vrši na adresu:

***Federalno ministarstvo raseljenih osoba i izbjeglica
Sektor za razvojne projekte održivosti povratka
Alipašina 41, 71000 Sarajevo***

sa naznakom „Prijava na Javni oglas iz programa održivog povratka – proljetna / jesenja sadnja“

Javni oglas ostaje otvoren 15 dana od dana objavljivanja

Dodatne informacije mogu se dobiti na brojeve telefona: 033/201-756 i 033/205-543.

Preliminarne, a nakon provedenog žalbenog postupka i konačne rang liste, po ovom Javnom oglasu će biti objavljene na web stranici Federalnog ministarstva raseljenih osoba i izbjeglica, a obavijest o donošenju istih u dnevnim novinama u kojima je objavljen i ovaj Javni oglas.



MINISTAR

mr. Adil Osmanović

Broj: 03 –36- 2- 135 - 2 /14
Sarajevo, 17.04.2013.godine